

DIAGN. *Caulis ramosus. Folia carinata; oris undulatis. Calyce corollae radio aequales, aut breviores.*

Habitat in pratis.

Foliorum apices, quasi cirrhosi. Semen striis scabris angulatum; umbilico breviter pedicellato. Pappus expansus referens rete *Araneae aucupis*. Gestatio trium hebdomadarum.

947. TRAGOPOGON *Dubium*.

DIAGN. *Caulis uniflorus. Calyces flore longiores. Semiflosculi sulphurei.*

Habitat circa *Tergestum*, et *Schenoschetz*, in montibus.

Differt a priore. 1. Foliis planioribus, non undulatis, nec apice cirrhosis. neque basi ventricosis. 2. Ramis nullis. 3. Radio calycinis segmentis brevior. 4. Diametro corollae unciali.

3II. SCORZONERA.

MATTH. CLUS. TOURN. *I. R. H. p. 476.*
Tab. 269.

Calyx oblongus, convergens, imbricatus squamis (ad 15). TOURN. *l. c.* Semina calyce duplo breviora cylindrica. LUDWIG. et coronata pappo plus minus plumoso, quo differt ab *HIERACIO*. ADANS. Folia oblonga, glabra, nervosa. RAI.

948. SCORZONERA *humilis*.

Scorzonera caule subnudo, unifloro; foliis lato-lanceolatis, nervosis, planis. LINN. *Syst. Nat.* p. 519. *Spec. Plant.* p. 790. n. 1. *Fl. Suec.* 2, 685.

Scorzonera caule nudo, unifloro, foliis lanceolatis. HALL. *Hist.* n. 10.

DIAGN. *Folia lanceolata, et nervosa, ut in PLANTAGINE lanceol. Scapus uniflorus, foliis paulo longior.*

Habitat in pratis, ad *Voiskam*, prope *Sacellum*.

Caulis